



## Publicaziuns officialas dils 14-12-2018

---

### Damondas da baghegiar

Nr. 119/2018

Datum da publicaziun: 14-12-2018  
Patrun: Frischknecht Hans e Monika, 7174 S. Benedetg  
Representant: Giger SA, 7188 Sedrun  
Liug e parcella: Via sur Val; 3906  
Object: construcziun d'in tgamin

Nr. 121/2018

Datum da publicaziun: 14-12-2018  
Patrun: Maissen Adalbert, 7172 Rabius  
Liug e parcella: Luven; 169  
Object: novs barcuns, sanaziun dallas finiastras, digl esch-casa e dalla portagarascha

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 14-12-2018

*Cumissiun da baghegiar*

### Radunonza da vischnaunca

La proxima radunonza da vischnaunca ha liug **venderdis, ils 14 da december 2018** allas 20.00 uras a Sumvitg.

#### ***Gliesta da tractandas***

1. Avertura e beinvegna
2. Elecziun da 2 dumbravuschs
3. Approbaziun dil protocol dalla davosa radunonza communal dils 19-06-2018
4. Tractaziun ed approbaziun dil preventiv communal 2019
5. Fixaziun dils peis da taglia 2019
6. Tractaziun ed approbaziun dil project habitar@giuven e concessiun dil credit brut da 670'000 francs
7. Tractaziun ed approbaziun dalla cumpra d'in auto-cistiarna per il corp da pumpiers Sumvitg-Trun e concessiun dil credit brut da 150'000 francs
8. Tractaziun ed approbaziun dil project sanaziun stans da sittar Plaun Petschen e Sulagval e concessiun dil credit brut da 267'000 francs
9. Tractaziun ed approbaziun consultativa dil project via da mistregn a Rabius-Marias
10. Orientaziuns
11. Varia

Il preventiv 2019 sa vegnir retratgs sin canzlia durant las uras da spurtegl.

Sumvitg, 14-12-2018

*Suprastonza communal*

## **Salids ed auguris per las fiastas da Nadal e Daniev**

La suprastonza communal giavischa a Vus, preziadas convischinas e prezias convischins, bialas e legreiblas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 14-12-2018

*Suprastonza communal Sumvitg*

## **Uffeci civil Surselva**

### **Mortoris**

**Wieland Johanna**, naschida ils 26-08-1950, morta ils 05-12-2018, stada sesenta a Surrein.

**Degonda-Duff Paulina**, naschida ils 29-05-1931, morta ils 09-12-2018, stada sesenta a Sumvitg.

Sumvitg, 14-12-2018

*Controlla da habitonts*

## **PREAVIS**

### **Administraziun communal / Comunicaziun**

L'administraziun communal resta serrada sur las fiastas da Nadal e Daniev sco suonda:

- naven da venderdis, ils 21-12-2018, allas 17.00 uras, entochen gievgia, ils 27-12-2018 allas 08.00 uras
- naven da venderdis, ils 28-12-2018 allas 17.00 uras, entochen gievgia, ils 03-01-2019 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 14-12-2018

*Administraziun communal*

## **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 14-12-2018

*Departament stradal*

## **Uniun da dunnas Sumvitg/Cumpadials**

### **Devoziun d'advent**

La devoziun d'advent ha liug **dumengia, ils 16 da december** allas 17.00 en caplutta da Nossadunna a Clavadi. Ensemen cun la gruppa da liturgia festivein nus la devoziun en baselgia. Silsuenter envidan vischinas e vischins da Clavadi pign e grond ad in sitg. Nus selegrein da star in mument da cumpignia cun Vus e guder la biala atmosfera d'advent. *Uniun da dunnas Sumvitg/Cumpadials*

## **Preavis**

Ils 12 da schaner (datum da reserva: ils 2 da fevrer) organisescha l'Uniun da cultura e sport Cumpadials ina cursa da skis per in e scadin a Cumpadials. Dapli informaziuns davart la cursa suondan pli tard.

### **Controllas per apparats d'udida**

**Gliendisdis, ils 17 da december 2018** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler, e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.